



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

Anr.378/2021

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Ferki Xhaferi kryesues, Adnan Konushevcu dhe Faton Ademi anëtarë, me pjesëmarrjen e zyrtarit ligjor Blerta Peci, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë, kundër subjektit politik Lidhja Demokratike e Kosovës (LDK), me seli në Prishtinë, për shkak të thyerjes së heshtjes zgjedhore, për Zgjedhjet e Parakohshme për Kuvendin e Republikës së Kosovës të datës 14.02.2021, në seancën e panelit të mbajtur me datë 15.02.2021, mori këtë:

## V E N D I M

**Pranohen** të bazuara ankesat e evidentuara me numër: Anr.378/2021 e datës 13.02.2021, Anr.420/2021, Anr.421/2021, Anr.422/2021, Anr.423/2021, Anr.424/2021, Anr.425/2021, Anr.426/2021, Anr.427/2021, Anr.428/2021, Anr.429/2021, Anr.430/2021, Anr.431/2021, Anr.432/2021, Anr.433/2021, Anr.434/2021, Anr.436/2021, Anr.437/2021 dhe Anr.449/2021, të gjitha të datës 14.02.2021, të paraqitura nga subjekti politik Lëvizja Vetëvendosje (LVV), me seli në Prishtinë, kundër subjektit politik Lidhja Demokratike e Kosovës (LDK), me seli në Prishtinë, për shkak të vazhdimit të sponsorimit të fushatës zgjedhore në rrjetin social “Facebook”, në ditën e heshtjes zgjedhore dhe në ditën e votimit, i Shqiptohet gjobë, në lartësi prej 9.500.00 (nëntë mijë e pesëqind) euro, dhe detyrohet ta paguaj në afat prej 15 (pesëmbëdhjetë) ditëve, nga dita e pranimin të këtij vendimi nën kërcënim të dënimit shtesë.

## A r s y e t i m

Me datë 13.02.2021 dhe 14.02.2021, PZAP-i ka pranuar ankesat e paraqitura: Anr.378/2021, Anr.420/2021, Anr.421/2021, Anr.422/2021, Anr.423/2021, Anr.424/2021, Anr.425/2021, Anr.426/2021, Anr.427/2021, Anr.428/2021, Anr.429/2021, Anr.430/2021, Anr.431/2021, Anr.432/2021, Anr.433/2021, Anr.434/2021, Anr.436/2021, Anr.437/2021 dhe Anr.449/2021, të paraqitura nga subjekti politik Lëvizja Vetëvendosje (LVV), me seli në Prishtinë, kundër subjektit politik Lidhja Demokratike e Kosovës (LDK), me seli në Prishtinë, në të cilat pretendohet se përmes Facebook-ut, në llogarinë zyrtare të subjektit politik Lidhja Demokratike e Kosovës (LDK) dhe në llogaritë zyrtare në facebook të kandidatëve për deputet nga radhët e këtij subjekti politik dhe përkrahësve nga radhët e këtij subjekti politik, respektivisht në llogarinë e Gani Geci, për vajzen e tij kandidaten për deputete Marigona Geci, Armend Zemaj, Ibrahim Kyeziu, Flamur Sefaj, Feim Salihu, Fahredin Spahiu, Besart Dreshaj, Ardian Shala, Brahim Selimaj, Blerim Rexhbogaj,

Alit Topalli, Flutura Beka- Kamberaj, Valentina Bunjaku-Rexhepi, Vlora Dumoshi, Arlinda Uka, Mirlinda Sopi-Krasniqi, Selajdin Fanaj, Fidan Rekaliu, Rinor Spahiu për kandidaten për deputete Rita Spahiu, lidhur me fushatën e bërë në rrjetin social Facebook, në ditën e heshtjes zgjedhore dhe në ditën e votimit. Paraqitësi i ankesës thekson se është bërë shkelje e Ligjit për Zgjedhjet e Përgjithshme. Parashtruesi i ankesave si provë ka bashkangjitur fotografi të printuara në cilësi të provave materiale.

Në përgjigjet në ankesë të ofruar nga subjekti politik Lidhja Demokratike e Kosovës (LDK) lidhur me ankesën 378/21, konsideron se ankesa e subjektit LVV, është e pabazuar, ngase deklarata apo mesazhi i lëshuar nga Gani Geci është lëshuar nga rrjeti i tij social privat, dhe se i njëjti nuk ka asnjë funksion politik-zyrtar në strukturat e LDK-së, qoftë degë apo nëndegë.

Lidhur me ankesën Anr.420/2021, parashtruesi i përgjigjes në ankesë thekson se fotoja dhe videoja e postuar – sponsorizuar nuk kanë qenë aktive në ditën e heshtjes zgjedhore 13 shkurt 2021, dhe për këtë keni të bashkangjitur foto – dëshmitë si provë. Fotoja ka përfunduar së sponsorizuari me 12 shkurt 2021, kurse videoja me 11 shkurt 2021. Ndërsa lidhur me ankesën Anr.449/2021, parashtruesi i përgjigjes në ankesë thekson se ankesa nuk është e plotë për arsye se postimi i shpërndarë nga Rinor Spahiu nuk nënkupton postim të drejtpërdrejtë nga kandidatja për deputete Rita Spahiu, madje Rinor Spahiu nuk është anëtar i strukturave të LDK-së, dhe kontrolli i gjithsecilit votues të subjektit politik është i pamundur.

Andaj, mbi bazën e të gjithave që u thanë në përgjigjet e ankesave i propozojnë Panelit, që ankesat e subjektit politik Lëvizja Vetëvendosje të hudhën posht.

Ndërsa për ankesat e tjera që janë të bashkuara në këtë vendim, për të gjitha e ka bërë përgjigjen e njëjtë subjekti politik Lidhja Demokratike e Kosovës (LDK), ku deklarojnë se ankesat e subjektit politik Lëvizja Vetëvendosje nuk janë të bazuara, për arsye se fotot dhe videot e shpërndara – sponsorizuara në rrjetet sociale nga kandidatët për deputet të LDK-së, nuk janë në kundërshtim me pretendimin ankimor, gjegjësisht shkeljen sipas nenit 8, par.1, pika c) e Rregullës Zgjedhore 13/2013 të KQZ-së shprehimisht thotë *“shfrytëzimi i megafonëve ose i sistemeve të tjera për t’iu drejtuar publikut kudo qoftë në Kosovë me qëllim të ndikimit në votues, ose organizimi i çfarëdo manifestimi, procesimi ose demonstratë të natyrës publike ose pjesëmarrjes në të”*, nuk ka të bëjë fare me rastin dhe nuk qëndron as ligjërisht e as nuk argumentohet juridikisht në asnjë rrethanë.

Parashtruesi i përgjigjes në ankesë si dëshmi për pretendimet e tyre ka bashkangjitur edhe fotografi si prova materiale.

Paneli, pas shqyrtimit paraprak të bazueshmerisë së ankesave dhe vlerësimit të pretendimeve ankimore, provave materiale - fotografive të bashkangjitur, që gjenden në shkresat e lëndës, në kuptim të nenit 117 paragrafi 2 dhe 3 të LZP-së, gjeti se:

#### **Ankesat janë të bazuara**

Paneli, paraprakisht ka vlerësuar se ankesat: Anr.378/2021 e datës 13.02.2021, Anr.420/2021, Anr.421/2021, Anr.422/2021, Anr.423/2021, Anr.424/2021, Anr.425/2021, Anr.426/2021, Anr.427/2021, Anr.428/2021, Anr.429/2021, Anr.430/2021, Anr.431/2021, Anr.432/2021,

Anr.433/2021, Anr.434/2021, Anr.436/2021, Anr.437/2021 dhe Anr.449/2021, të datës 14.02.2021, janë për nga përmbajtja të njëjta, për nga natyra e shkeljes së pretenduar janë të njëjta, paraqitës i të gjitha ankesave është Lëvizja Vetëvendosje, me seli në Prishtinë, dhe po ashtu të njëjtat janë paraqitur kundër subjektit të njëjtë politik, Lidhja Demokratike e Kosovës (LDK), me seli në Prishtinë, prandaj Paneli, bazuar në nenin 8 paragrafi 3 të Rregullave dhe Procedurave Nr.02/2015, të PZAP-it, në të cilën përcaktohet se: *“Me qëllim të lehtësimit të shqyrtimit të ankesave kryesuesi i panelit vendimmarrës mund të vendos ta bëjë bashkimin e ankesave që përmbajnë në vete çështje të ngjashme dhe se ato ankesa të trajtohen me një vendim”*, bëri bashkimin e ankesave dhe për të njëjtat vendosi me një vendim, si në dispozitiv të këtij vendimi.

Nga shkresat e lëndës shihet se si subjekti politik Lidhja Demokratike e Kosovës (LDK) dhe kandidatët e tyre për deputetet në Kuvendin e Republikës së Kosovës nga radhët e subjektit politik, gjatë heshtjes zgjedhore dhe ditës së votimit në rrjetin e saj social facebook kanë bërë fushatë zgjedhore dhe kanë udhëzuar që të votohet subjekti i tyre dhe kandidatët e subjektit politik në fjalë, ku me këtë veprim ka bërë thyerjen e heshtjes zgjedhore.

Paneli, konform nenit 8 par. 5 të Rregullave dhe Procedurave të PZAP-it, Nr. 02/2015, ndërmori hetim lidhur me pretendimet e paraqitësit të ankesës, dhe gjeti se të njëjtat janë të bazuara, për faktin se në llogaritë e Facebook-ut të lartëcekura, ashtu siç pretendon paraqitësi i ankesës, në ditën e heshtjes zgjedhore dhe në ditën e votimit janë hasur reklama politike aktive, të cilat promovojnë subjektin politik Lidhja Demokratike e Kosovës (LDK), dhe kandidatët për deputet nga radhët e këtij subjekti politik, ku me këtë veprim kanë bërë thyerjen e heshtjes zgjedhore.

Paneli, vendimin e tij e mbështet në dëshmi të qarta dhe bindëse, konform nenit 117 par.3 të LZP-së, andaj nuk i mori parasysh pretendimet e paraqitësit të përgjigjes në ankesë, pasi që nga ana e tyre nuk u ofrua ndonjë dëshmi e cila argumenton pretendimet e tyre.

Paneli, me rastin e shqiptimit të gjobës si në dispozitiv të këtij vendimi, u mbështet në dispozitat e lart cituara, e në veçanti duke marr parasysh rrethanat e rastit siç janë:

- Natyra e shkeljes dhe ndikimit të mundshëm të saj, në procesin zgjedhor;
- Shkallën dhe peshën e shkeljes;
- Faktin se subjekti politik të cilit i është shqiptuar gjoba Lidhja Demokratike e Kosovës (LDK), ka marrë pjesë në zgjedhjet e mëparshme,
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Paneli, vlerëson se gjoba e shqiptuar si masë, përveç aspektit të dënimit në raport me subjektin që nuk e ka respektuar Kodin e Mirësjelljes, shërben edhe si masë preventive që në të ardhmen subjektet politike të përmbahen nga veprimet e tilla që bien ndesh me rregullativën ligjore, që cenojnë të drejtën apo lirinë e votimit, në mënyrë që të sigurohet klimë e qetë dhe e përshtatshme për votim të lirë dhe të pa ndikuar si bazament i një procesi demokratik zgjedhor.

Nëse subjekti të cilit i është shqiptuar dënimi nuk e paguan të njëjtin brenda afatit të përcaktuar në dispozitiv të tij, atëherë në pajtim me nenin 120.2 të LZP-së, subjektit do ti shqiptohet dënim shtesë. Ky paralajmërim për dënim shtesë është përcaktuar me nenin 120.2 të LZP, i cili përcakton: *“ 120.2 Dështimi për të paguar dënimin apo për t’ju bindur një*

*urdhërese të PZAP-it brenda periudhës kohore të saktësuar në vendimin e PZAP-it, është një shkelje tjetër e këtij ligji që mund të sanksionohet me dënim shtesë nga PZAP-i.”, ashtu siç është vendosur në pikën II të dispozitivit të këtij vendimi.*

Paneli mbi bazën e të dhënave të lartcekuar në mbështetje të nenit 120.1 pika c) dhe nenit 118.1 të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashtrësia**  
Anr.378/2021 më datë 15.02.2021

**Kryesues i Panelit**  
**Ferki Xhaferi**



**Këshillë juridike:** *Kundër këtij vendimi është e lejuar ankesa në Gjykatën Supreme të Kosovës, brenda njëzetekatër (24) orëve nga momenti i marrjes-pranimet të këtij vendimi*